

# الفخراي يكشف أسباب إضرابه عن الطعام



السبت 1 أكتوبر 2016 10:10 م

1100 يوم مرت على اعتقال الزميل الصحفي المضرب عن الطعام عبدالله الفخراي ، حيث تم اعتقاله في 25/8/2013 عقب الانقلاب العسكري أثناء زيارته لأحد الأصدقاء

وكتبت صفحة "عبدالله الفخراي" ، على موقع التواصل الاجتماعي "فيس بوك" ، أسباب إضراب الفخراي عن الطعام

ونشرت الصفحة رسالة للصحفي المعتقل على خلفية القضية المعروفة إعلاميًا بغرفة عمليات رابعة أكد فيها أن حالته الصحية كل يوم من سيء إلى أسوأ".

قال الفخراي : "من حوالي سنتين (وأنا في السجن) طلع لي حاجة زي ورم في وتر أكليس في رجلي الشمال ، تعابشت معاه لإن مفيش رفاهية العلاج في السجن ، الورم بالأشهر الأخيرة كبر كتير وبقي بيألمني ألم شديد وبيمنعني من دخول الحمام (حمام بلدي) ومن الصلاة".

وأضاف الفخراي : "قعدت قرابة شهرين أطلب أروح المستشفى يقوموا مطلعيني عيادة السجن ويقولوا معلش معندناش دكتور جراحة ولا دكتور عظام ومينفعش نوديك مستشفى الليمان لأنه لازم اللي يكتب تقرير حالتك استشاري جراحة أو عظام".

وتابع : "بقالي فترة على ده الحال ومؤخرًا ومع الإضراب ازدادت عندي أعراض البواسير وطبعا مش هشتكي في العيادة علشان معندهمش دكتور جراحة ، ده غير آلام في أسناني مش قادر أشخصها أو أعالجها".

قالت صفحة الفخراي : "أن عبدالله كتب الكلام ده في رسالته الأخيرة ، عبدالله مضرب من 18 يوما إضراب كامل عن الطعام ، وزنه بقى بحدود 50 كجم أو أكثر شوية بعد ما كان قبل السجن 80 كجم السكر في هبوط مستمر".